

Еттің жекелеген түрлерін әкелуге арналған тарифтік квоталар көлемін бөлудің кейбір мәселелері туралы

Күшін жойған

Қазақстан Республикасы Үкіметінің 2013 жылғы 8 қарашадағы № 1189 қаулысы. Күші жойылды - Қазақстан Республикасы Үкіметінің 2015 жылғы 10 сәуірдегі № 213 қаулысымен

Ескерту. Күші жойылды - ҚР Үкіметінің 10.04.2015 № 213 қаулысымен.

«Сауда қызметін реттеу туралы» 2004 жылғы 12 сәуірдегі Қазақстан Республикасының Заңына сәйкес Қазақстан Республикасының Үкіметі **ҚАУЛЫ Е Т Е Д І :**

1. Жаңа өнім берушілер үшін құс етін әкелуге (коды КО СЭҚ ТН 0207) 2013 жылға арналған тарифтік квота көлемі 10000 тонна мөлшерінде бекітілсін.

2. «Еттің жекелеген түрлерін әкелуге арналған тарифтік квоталар көлемін бөлудің кейбір мәселелері туралы» Қазақстан Республикасы Үкіметінің 2011 жылғы 24 наурыздағы № 269 қаулысына (Қазақстан Республикасының ПҰАЖ-ы, 2011 ж., № 27, 320-құжат) мынадай өзгерістер енгізілсін:
кіріспе мынадай редакцияда жазылсын:

«Сауда қызметін реттеу туралы» 2004 жылғы 12 сәуірдегі Қазақстан Республикасының Заңына сәйкес»;

1-тармақтың 1) тармақшасы мынадай редакцияда жазылсын:

«1) Қазақстан Республикасына еттің кейбір түрлерін әкелуге арналған тарифтік квоталардың көлемдерін сыртқы экономикалық қызметке қатысушылар арасында бөлу қағидалары»;

көрсетілген қаулымен бекітілген Қазақстан Республикасына оларға қатысты тарифтік квоталар енгізілген еттің кейбір түрлерін әкелуге арналған тарифтік квоталар көлемдерін сыртқы экономикалық қызметке қатысушылар арасында бөлу қағидасы осы қаулыға қосымшаға сәйкес жаңа редакцияда жазылсын.

3. Осы қаулы алғашқы ресми жарияланған күнінен бастап күнтізбелік он күн өткен соң қолданысқа енгізіледі.

Премьер-Министрі
Қ а з а қ с т а н
Ү к і м е т і н і ң

Қ а з а қ с т а н Р е с п у б л и к а с ы н ы ң
С. Ахметов
Р е с п у б л и к а с ы

2013 жылғы 8 қарашадағы
№ 1189 қаулысына
1-қосымша
Қазақстан Республикасы
Үкіметінің
2011 жылғы 24 наурыздағы
№ 269 қаулысымен
бекітілген

**Қазақстан Республикасына еттің кейбір түрлерін әкелуге арналған
тарифтік квоталардың көлемдерін сыртқы экономикалық қызметке
қатысушылар арасында бөлу
қағидалары**

1. Жалпы ережелер

1. Осы Қазақстан Республикасына еттің кейбір түрлерін әкелуге арналған тарифтік квоталар көлемдерін сыртқы экономикалық қызметке қатысушылар арасында бөлу қағидалары (бұдан әрі – Қағидалар) «Сауда қызметін реттеу туралы» 2004 жылғы 12 сәуірдегі Қазақстан Республикасының Заңына сәйкес әзірленген және тарифтік квоталар көлемдерін сыртқы сауда қызметін реттеу құралы ретінде бөлудің тәртібі мен әдісін айқындайды.

2. Лицензияларды беру тәртібі мен мерзімдері Қазақстан Республикасының лицензиялау туралы заңнамасында айқындалады.

2. Терминдер мен анықтамалар

3. Осы Қағидаларда мынадай ұғымдар пайдаланылады:

1) осының алдындағы кезең – тарифтік квота белгіленетін жылдың тікелей алдындағы екі жыл;

2) өнім беруші елдер – Кеден одағына және Бірыңғай экономикалық кеңістікке қатысушы елдер еркін сауда туралы келісім жасаспаған не тауарға қатысты еркін сауда режимінен алып қою қолданылатын елдер;

3) тауарды тарихи өнім берушінің әкелу көлемі – өнім беруші елдерде шығарылған, осының алдындағы кезең үшін Қазақстан Республикасының аумағына «ішкі тұтыну үшін» кедендік рәсімінде әкелінген тауарлардың заттай мәндегі саны;

4) коммерциялық пайдалы сан – тауардың 25 килограмнан астам көлемі;

5) тарифтік квота көлемі – әкелінуіне Кеден одағының Бірыңғай кеден тарифі

кедендік әкелу баждарының квотаішілік мөлшерлемелері бойынша салық салынатын, Қазақстан Республикасының Үкіметі күнтізбелік бір жылға айқындайтын тауарлар көлемі;

б) тарихи өнім беруші – Қазақстан Республикасының заңнамасына сәйкес дара кәсіпкер ретінде тіркелген, мынадай өлшемдерге сәйкес келетін заңды немесе жеке тұлға:

осының алдындағы кезеңде өнім беруші елдерден тауарды «ішкі тұтыну үшін» кедендік рәсімінде әкелуді жүзеге асыруы тиіс; тікелей осы жылдың алдындағы тарифтік квота белгіленген жылдың ішінде тауарды әкелу көлемі коммерциялық пайдалы саннан кем болмауы тиіс;

7) тауар – өнім беруші елдер шығарған, оларға қатысты тарифтік квота белгіленген тауар;

8) жаңа өнім беруші – Қазақстан Республикасының заңнамасына сәйкес дара кәсіпкер ретінде тіркелген, тарихи өнім беруші болып табылмайтын заңды немесе жеке тұлға;

9) қайта өңдеуші – Қазақстан Республикасының заңнамасына сәйкес дара кәсіпкер ретінде тіркелген, мынадай өлшемге сәйкес келетін заңды немесе жеке тұлға:

осы Қағидаларға 1-қосымшада көрсетілген Экономикалық қызметтің түрлері бойынша өнімдер жіктеуішінің кодтарымен жіктелетін ет өнімінің өндірісін квота белгіленетін жылдың алдындағы жыл ішінде жүзеге асыруы тиіс;

10) сыртқы сауда қызметіне қатысушылар – Қазақстан Республикасының заңнамасына сәйкес дара кәсіпкерлер ретінде тіркелген заңды немесе жеке тұлғалар.

3. Тарифтік квоталардың көлемдерін бөлу тәртібі

4. Кеден ісі саласындағы уәкілетті орган тоқсан сайын, есепті тоқсаннан кейінгі айдың 15-күніне қарай сауда қызметін реттеу саласындағы уәкілетті органға және ауыл шаруашылығы саласындағы уәкілетті органға мынадай: Кеден одағы Сыртқы экономикалық қызметінің тауар номенклатурасының 10 белгісі денгейінде кедендік рәсімдерді көрсете отырып, сыртқы экономикалық қызметке қатысушылар шығарған елдер бөлінісінде еттің заттай және құндық көлемдері туралы ақпаратты 0201, 0202, 0203, 0207-позициялары бойынша ұсынады.

Көрсетілген ақпарат ішкі тұтыну үшін тауарларды шығару күні бойынша қалыптастырылады.

5. Сауда қызметін реттеу саласындағы уәкілетті орган жыл сайын:

1) тарифтік квота белгіленген жылдың 1 қаңтарынан бастап 31 желтоқсанға дейін мыналарға:

жаңа сойылған немесе мұздатылған ірі қара мал етін (коды КО СЭҚ ТН 0201) әкелу үшін лицензия алуға өтініштер беру кезектілігі тәртібімен сыртқы сауда қызметіне қатысушыларға;

лицензия алуға өтініш беру кезектілігі тәртібімен құс етін (коды КО СЭҚ ТН 0207) әкелу үшін жаңа өнім берушілерге;

сиыр (коды КО СЭҚ ТН 0202), шошқа (коды КО СЭҚ ТН 0203) және құс етін (коды КО СЭҚ ТН 0207) әкелу үшін тарифтік квоталарды бөлу нәтижелері бойынша есептелген көлемде тарихи өнім берушілерге;

сиыр (коды КО СЭҚ ТН 0202), шошқа (коды КО СЭҚ ТН 0203) етін әкелу үшін тарифтік квоталарды бөлу нәтижелері бойынша есептелген көлемде қайта өңдеушілерге лицензиялар беруді жүзеге асырады;

2) тарифтік квоталар белгіленетін жылдың тікелей алдындағы жылдың 1 қазанына дейін түсіндірулер беру үшін байланыс деректерін көрсете отырып, www.minplan.gov.kz, www.comtorg.kz, www.trade.gov.kz интернет ресурстарында өзіне қатысты тарифтік квота белгіленетін тауардың атауы туралы ақпаратты, жаңа өнім берушілер мен сыртқы сауда қызметіне қатысушылар үшін айқындалған тарифтік квотаның көлемін, жаңа өнім берушілер мен сыртқы сауда қызметіне қатысушылардың тауар әкелуі үшін шарттарды орналастырады;

3) тарифтік квота белгіленетін жылдың алдындағы жылдың 1 желтоқсанына дейін тарихи өнім берушілер үшін айқындалған тарифтік квоталар көлемдерін тарихи өнім берушілер арасында бөлудің бірінші кезеңін, сондай-ақ тарихи өнім берушілер арасында тарифтік квоталарды бөлудің бірінші кезеңін бекіту бойынша Үкіметтің тиісті шешімінің жобасын әзірлеуді жүзеге асырады;

4) тарифтік квота белгіленетін жылдың алдындағы жылдың 1 сәуіріне дейін тарихи өнім берушілер үшін айқындалған тарифтік квоталар көлемдерін тарихи өнім берушілер арасында бөлудің екінші кезеңін, сондай-ақ тарихи өнім берушілер арасында тарифтік квоталарды бөлудің екінші кезеңін бекіту бойынша Үкіметтің тиісті шешімінің жобасын әзірлеуді жүзеге асырады.

6. Ауыл шаруашылығы саласындағы уәкілетті орган жыл сайын:

1) тарифтік квоталар белгіленетін жылдың тікелей алдындағы жылдың 1 қазанына дейін түсіндірулер беру үшін байланыс деректерін көрсете отырып, www.minagri.gov.kz интернет ресурсында қайта өңдеушілер арасында бөлінетін тауардың түрлері мен көлемін көрсете отырып, тарифтік квоталар көлемдерін бөлуге қатысу үшін қайта өңдеушілерден өтінімдер қабылдау туралы хабарламаны, сондай-ақ өтінімдерді қабылдау мерзімдері туралы ақпаратты орналастырады;

2) тарифтік квоталар белгіленетін жылдың тікелей алдындағы жылдың 1 қарашасына дейін (қоса алғанда) қайта өңдеушілер үшін айқындалған тарифтік квоталарды бөлуге қатысу үшін қайта өңдеушілерден өтінімдер жинауды жүзеге

а с ы р а д ы ;

3) тарифтік квоталар белгіленетін жылдың тікелей алдындағы жылдың 15 қарашасына дейін сауда қызметін реттеу саласындағы уәкілетті органға қайта өңдеушілер талап етпеген тарифтік көлемдер туралы ақпаратты ұсынады;

4) тарифтік квоталар белгіленетін жылдың тікелей алдындағы жылдың 1 желтоқсанына дейін қайта өңдеушілер үшін айқындалған тарифтік квоталар көлемдерін қайта өңдеушілер арасында бөлуді, сондай-ақ қайта өңдеушілер үшін бөлінген тарифтік квоталарды қайта өңдеушілер арасында бөлуді бекіту бойынша Үкіметтің тиісті шешімінің жобасын әзірлеуді жүзеге асырады.

7. Тарихи өнім берушілер арасында сиыр (коды КО СЭҚ ТН 0202) шошқа (коды КО СЭҚ ТН 0203) және құс етін (коды КО СЭҚ ТН 0207) әкелуге тарифтік квоталар көлемдерін бөлу осы Қағидаларда айқындалған Тарихи өнім берушілер арасында тарифтік квоталарды бөлу әдісіне сәйкес жүзеге асырылады.

Жаңа өнім берушілер арасында құс етін (коды КО СЭҚ ТН 0207) әкелуге тарифтік квотаның көлемдерін бөлу осы Қағидаларда айқындалған Жаңа өнім берушілер арасында тарифтік квоталарды бөлу әдісіне сәйкес жүзеге асырылады.

Қайта өңдеушілер арасында сиыр (коды КО СЭҚ ТН 0202) және шошқа етін (коды КО СЭҚ ТН 0203) әкелуге тарифтік квоталар көлемдерін бөлу осы Қағидаларда айқындалған Қайта өңдеушілер арасында тарифтік квоталарды бөлу әдісіне сәйкес жүзеге асырылады.

Жаңа сойылған немесе мұздатылған ірі қара малдың етін (коды КО СЭҚ ТН 0201) әкелуге сыртқы сауда қызметіне қатысушылар арасында тарифтік квоталар көлемдерін бөлу Жаңа сойылған немесе мұздатылған ірі қара малдың етін (коды КО СЭҚ ТН 0201) әкелуге тарифтік квоталар көлемдерін бөлу әдісіне сәйкес жүзеге асырылады.

8. Тарихи өнім берушілердің, жаңа өнім берушілердің, қайта өңдеушілердің және сыртқы сауда қызметіне қатысушылардың арасында тарифтік квоталардың жыл сайын белгіленетін көлемдерін бөлу мынадай:

тарихи өнім берушілерге: сиыр етін (коды КО СЭҚ ТН 0202) әкелуге тарифтік квотаның белгіленген көлемінің 55 %-ы, шошқа етіне (коды КО СЭҚ ТН 0203) 70 %, құс етіне (коды КО СЭҚ ТН 0207) 90 %;

қайта өңдеушілерге: сиыр етін (коды КО СЭҚ ТН 0202) әкелуге тарифтік квотаның белгіленген көлемінің 45 %-ы, шошқа етіне (коды КО СЭҚ ТН 0203) 30 % ;

жаңа өнім берушілерге: құс етін (коды КО СЭҚ ТН 0207) әкелуге тарифтік квотаның белгіленген көлемінің 10 %-ы;

сыртқы сауда қызметіне қатысушыларға: жаңа сойылған немесе мұздатылған ірі қара малдың етін (коды КО СЭҚ ТН 0201) әкелуге тарифтік квотаның белгіленген көлемінің 100 %-ы.

9. Тарифтік квоталар көлемдері өнім беруші елдер арасында Еуразиялық экономикалық комиссияның шешімі бойынша осының алдындағы кезеңде көрсетілген елдерден әкелу көлеміне барабар бөлінуі мүмкін.

4. Тарихи өнім берушілер арасында тарифтік квоталарды бөлу әдісі

10. Тарихи өнім берушілер үшін бөлінген тарифтік квоталар көлемдерін тарихи өнім берушілер арасында бөлу екі кезеңде жүзеге асырылады.

11. Бірінші кезең шеңберінде тарихи өнім берушілер арасында тарихи өнім берушілер үшін айқындалған тарифтік квоталар көлемінің 25 пайызы бөлінеді.

Әрбір тарихи өнім берушілердің тарифтік квотасының көлемін есептеу әрбір өнім беруші үшін тауардың әрбір түрі бойынша мынадай формула бойынша жеке жүргізіледі:

$$q_9 = \frac{V_I + V_{II-9}}{V'_I + V'_{II-9}} * 0,25 * Q$$

м ұ н д а ғ ы :

q_9 – бірінші кезең шеңберінде тарихи өнім берушіге бөлінген тарифтік квотаның көлемі, килограммен;

Q - тарихи өнім берушілер үшін айқындалған тарифтік квотаның жылдық көлемі, килограммен;

V_I – осының алдындағы кезеңнің бірінші жылында тарихи өнім берушінің тауарды әкелу көлемі, килограммен;

V_{II-9} - тарифтік квота белгіленген жылдың алдындағы жылдың 9 айында тарихи өнім берушінің тауарды әкелу көлемі, килограммен;

V'_I – тарифтік квота белгіленген жылдың тікелей алдындағы жылдың 9 айында әкелуді жүзеге асыратын барлық тарихи өнім берушілердің осының алдындағы кезеңнің бірінші жылында тауарды әкелу көлемі, килограммен;

V'_{II-9} - тарифтік квота белгіленген жылдың тікелей алдындағы жылдың 9 айында барлық тарихи өнім берушілердің Қазақстан Республикасының аумағына тауарды әкелу көлемі, килограммен.

12. Екінші кезең шеңберінде тарихи өнім берушілердің арасында тарихи өнім берушілер үшін айқындалған тарифтік квоталар көлемдерінің 100 пайызы бөлінеді.

Әрбір тарихи өнім берушінің тарифтік квотасының көлемін есептеу әрбір өнім беруші үшін тауардың әрбір түрі бойынша мынадай формула бойынша жеке жүргізіледі:

$$q_{12} = \frac{V}{V'} * Q - q_9$$

м ұ н д а ғ ы :

q_{12} – екінші кезең шеңберінде тарихи өнім берушіге бөлінген тарифтік квотаның көлемі, килограммен;

Q – тарихи өнім берушілер үшін айқындалған тарифтік квотаның жылдық көлемі, килограммен;

q_9 – бірінші кезең шеңберінде тарихи өнім берушіге бөлінген тарифтік квотаның көлемі, килограммен;

V – осының алдындағы кезеңде тарихи өнім беруші жүзеге асырған тауарды әкелу көлемі, килограммен;

V' – тарифтік квота белгіленген жылдың тікелей алдындағы жылы әкелуді жүзеге асырған барлық тарихи өнім берушілердің осының алдындағы кезеңде тауарды әкелу көлемі, килограммен.

13. Осы Қағидалардың 11 және 12-тармақтарында белгіленген формулалар бойынша жүргізілген есептердің нәтижелері математикалық түрде тұтас санға дейін дөңгелектенеді (килограмм мәніне дейін).

Егер есеп нәтижелері бойынша тарихи өнім беруші үшін алынған тарифтік квотаның көлемі коммерциялық пайдалы саннан кем болса, онда осы көлем қалған тарихи өнім берушілер арасында бөлінеді.

5. Жаңа өнім берушілер арасында тарифтік квоталар көлемдерін бөлу әдісі

14. Жаңа өнім берушілер арасында тарифтік квоталар көлемдерін бөлу әкелуге лицензия алуға жаңа өнім берушілердің өтініштер беруінің кезектілігі тәртібімен жүзеге асырылады.

Жаңа өнім берушілер үшін көзделген тарифтік квоталар көлемдерін сарқылғанға дейін әкелуге лицензияны сауда қызметін реттеу саласындағы уәкілетті орган береді.

15. Лицензия алу үшін өтінім берілген тауардың көлемі коммерциялық пайдалы саннан кем болмауы тиіс және жаңа өнім берушілер үшін бекітілген тарифтік квотаның жалпы көлемінің 20 %-ынан аспауы тиіс.

16. Сауда қызметін реттеу саласындағы уәкілетті орган құс етін әкелуге (коды КО СЭҚ ТН 0207) лицензиялар берілген тарифтік квоталардың көлемі туралы және бөлінбей қалған көлем туралы мәліметтерді www.minplan.gov.kz, www.comtorg.kz, www.trade.gov.kz интернет ресурстарында апта сайын жариялайды.

6. Қайта өңдеушілер арасында тарифтік квоталар көлемдерін бөлу әдісі

17. Қайта өңдеушілер арасында тарифтік квоталар көлемдерін бөлу қайта өңдеушілердің өтінімдері негізінде жүзеге асырылады.

18. Қайта өңдеушілер үшін айқындалған тарифтік квоталар көлемдерін бөлуге қатысу үшін қайта өңдеушілер ауыл шаруашылығы саласындағы уәкілетті органға мынадай құжаттарды:

еттің әрбір түрі бойынша тарифтік квоталардың қажет етілетін көлемін көрсете отырып, сондай-ақ дайын тауардың әрбір түрі бойынша дайын өнімді өндіру кезінде пайдаланылған шикізат көлемінде еттің әрбір түрінің үлесін көрсете отырып осы, Қағидаларға 2-қосымшада белгіленген нысан бойынша өтінімді;

кәсіпорынның (дара кәсіпкерлер үшін – өнеркәсіптік өнім өндірумен айналысатын дара кәсіпкерлерді іріктеп байқап тексеру сауалнамасы) осының алдындағы толық жыл үшін құжатты қабылдау туралы статистика органының белгісімен өнімді өндіру және жөнелту туралы статистика органдарына есебінің нотариатта куәландырылған көшірмесін (не салыстырып тексеру үшін құжаттың түпнұсқасын міндетті түрде ұсынған кезде көшірмені) ұсынады.

19. Егер барлық қайта өңдеушілер өтінім берген тауардың көлемі қайта өңдеушілер үшін айқындалған тарифтік квоталар көлеміне тең немесе одан аз болса, онда тарифтік квоталар көлемі қайта өңдеушілер арасында сұратылатын көлемге сәйкес бөлінеді.

Қайта өңдеушілер пайдаланбаған тарифтік квоталар көлемдері Тарихи өнім берушілер арасында тарифтік квоталарды бөлу әдісіне сәйкес тарихи өнім берушілер арасында бөлінеді.

20. Егер барлық қайта өңдеушілер өтінім берген тауардың көлемі қайта өңдеушілер үшін бөлінген тарифтік квоталар көлемінен асып кетсе, онда тарифтік квота көлемі тарифтік квоталар көлемдерін бөлудің алдындағы толық жылға әрбір қайта өңдеушінің еттің әрбір түрін тұтынуының көлеміне пропорционалды түрде мынадай формулалар бойынша бөлінеді:

1)

$$V_{\text{тұтыну}}^{\Gamma} = \frac{P * K * S^{\Gamma}}{100\%};$$
$$V_{\text{тұтыну}}^{\text{C}} = \frac{P * K * S^{\text{C}}}{100\%}$$

м ұ н д а ғ ы :

$V_{тұтыну}^{\Gamma}$ – тарифтік квоталар көлемін алуға өтінім берген қайта өңдеушінің сиыр етін тұтыну көлемі, килограммен;

P – кәсіпорынның өнімді өндіру және жөнелту туралы статистика органдарына есебінде (дара кәсіпкерлер үшін өнеркәсіптік өнімнің өндірумен айналысатын дара кәсіпкерлерді іріктеп байқап тексеру сауалнамасы) көрсетілген қайта өңдеуші өндірісінің көлемі, килограммен;

K – осы Қағидаларға 3-қосымшаға сәйкес ет өнімдерін етке ауыстыру коэффициенті ;

S^{Γ} – дайын өнімді өндіру кезінде пайдаланылатын шикізаттың жалпы көлемінде сиыр етінің үлесі, пайыздық мәнде;

$V_{тұтыну}^C$ – қайта өңдеушінің шошқа етін тұтыну көлемі, килограммен;

S^C - дайын өнімді өндіру кезінде пайдаланылатын шикізаттың жалпы көлемінде шошқа етінің үлесі, пайыздық мәнде;

2)

$$D^{\Gamma} = \frac{V_{тұтыну}^{\Gamma}}{\sum V_{тұтыну}^{\Gamma}} * 100\% ;$$

$$D^C = \frac{V_{тұтыну}^C}{\sum V_{тұтыну}^C} * 100\%$$

м ұ н д а ғ ы :

D^{Γ} – тарифтік квоталар көлемдерін алуға өтінім берген қайта өңдеушілердің сиыр етін тұтынуының жалпы көлемінде қайта өңдеушінің үлесі, пайыздық мәнде ;

$\sum V^{\Gamma}$ - барлық өтінім берген қайта өңдеушілердің сиыр етін тұтыну көлемінің сомасы , килограммен ;

D^C - тарифтік квоталар көлемдерін алуға өтінім берген қайта өңдеушілердің шошқа етін тұтынуының жалпы көлемінде қайта өңдеушінің үлесі, пайыздық мәнде ;

$\sum V^C$ - барлық өтінім берген қайта өңдеушілердің шошқа етін тұтыну көлемінің сомасы, килограммен;

3)

$$V_{тұтыну}^{\Gamma} = \frac{V_{тұтыну}^{O\Gamma} * D^{\Gamma}}{100\%} ;$$

$$V_{trq}^C = \frac{V_{trq}^{OC} * D^C}{100\%}$$

М ұ н д а ғ ы :

V_{trq}^G – қайта өңдеуші үшін есептелген сиыр етін (коды КО СЭҚ ТН 0202) әкелуге тарифтік квотаның көлемі;

V_{trq}^{OG} – қайта өңдеушілер үшін сиыр етін (коды КО СЭҚ ТН 0202) әкелуге тарифтік квотаның жалпы көлемі;

V_{trq}^C – қайта өңдеуші үшін есептелген шошқа етін (коды КО СЭҚ ТН 0203) әкелуге тарифтік квотаның көлемі;

V_{trq}^{OC} – қайта өңдеушілер үшін шошқа етін (коды КО СЭҚ ТН 0203) әкелуге тарифтік квотаның жалпы көлемі.

21. Егер қайта өңдеуші өтінім берген тарифтік квотаның көлемі жоғарыда көрсетілген формулалар бойынша кәсіпорын үшін есептелген тарифтік квотаның көлемінен аз болса, онда қайта өңдеушіге тарифтік квотаның өтінім берілген көлемі айқындалады, қалған көлемдері қалған қайта өңдеушілер арасында еттің әрбір түрі бойынша тұтынудың жалпы көлемінде олардың үлестері пропорционалды түрде бөлінеді.

22. Осы Қағидалардың 20-тармағында белгіленген формулалар бойынша жүргізілген есептердің нәтижелері математикалық түрде тұтас санға дейін дөңгелектенеді (килограмм мәніне дейін).

Егер есеп нәтижелері бойынша қайта өңдеуші үшін тарифтік квотаның алынған көлемі коммерциялық пайдалы саннан кем болса, онда осы көлем басқа қайта өңдеушілер арасында бөлінеді.

23. Кедендік квота әкелу баждарын төлеуден босатуды болжайтын кедендік рәсімдерде тауарды әкелуді жүзеге асыратын қайта өңдеушілерге бөлінбейді.

Кедендік баждарды төлеуден босату іс-қимылдары тоқтатылған жағдайда қайта өңдеушілер тарифтік квоталар көлемдерін бөлуге жалпы негіздерде қ а т ы с у ғ а қ ұ қ ы ғ ы б а р .

24. Ауыл шаруашылығы саласындағы уәкілетті орган тарифтік квота қолданылатын жылдан бастап:

1) 1 қазанға дейін нақты әкелінген ет туралы деректерді ағымдағы жылғы бірінші жартыжылдықта қайта өңдеушілер өндірген өнімнің көлемімен с а л ы с т ы р ы п т е к с е р е д і ;

2) 1 сәуірге дейін нақты әкелінген ет туралы деректерді толық өткен жылы ет өнімдерін қайта өңдеушілер өндірген ет өнімінің көлемімен салыстырады.

Егер қайта өңдеушінің әкелу көлемі етке қайта есептеуде ет өнімі өндірісінің

көлемінен асып кететін жағдайларда, осы қайта өңдеуші келесі 2 жылға тарифтік квоталар көлемдерін бөлуге қатысу құқығынан айырылады.

25. Бөлінген тарифтік квоталар көлемдерін пайдаланбаған қайта өңдеушілер келесі 2 жылға тарифтік квоталар көлемдерін бөлуге қатысу құқығынан айырылады.

Қайта өңдеушілер пайдаланбаған тарифтік квоталар көлемдері осы Қағидаларда айқындалған әдіске сәйкес басқа қайта өңдеушілерге қайта бөлуге жатады.

Тарифтік квоталарды келесі жылдарға бөлу кезінде тарифтік квотаның бөлінген көлемін ішінара пайдаланған қайта өңдеушілер үшін тарифтік квотаның көлемі бұрын әкелінген көлемнен аспайтын деңгейде белгіленеді.

7. Жаңа сойылған немесе мұздатылған ірі қара малдың етін (коды КО СЭҚ ТН 0201) әкелуге тарифтік квоталарды бөлу әдісі

26. Жаңа сойылған немесе мұздатылған ірі қара малдың етін (коды КО СЭҚ ТН 0201) әкелуге тарифтік квоталардың көлемдерін бөлу сыртқы сауда қызметіне қатысушылардың әкелу үшін лицензия алуға өтініштер беру кезектілігі тәртібімен жүзеге асырылады.

Әкелуге лицензияны жаңа сойылған немесе мұздатылған ірі қара малдың етін (коды КО СЭҚ ТН 0201) әкелу үшін көзделген тарифтік квоталардың көлемі сарқылғанға дейін сауда қызметін реттеу саласындағы уәкілетті орган береді.

27. Лицензия алу үшін өтінім берілген тауардың көлемі жаңа сойылған немесе мұздатылған ірі қара малдың етін (коды КО СЭҚ ТН 0201) әкелуге белгіленген квотаның жалпы көлемінен аспауы тиіс.

28. Сауда қызметін реттеу саласындағы уәкілетті орган жаңа сойылған немесе мұздатылған ірі қара малдың етін әкелуге (коды КО СЭҚ ТН 0201) лицензиялар берілген тарифтік квоталардың көлемдері туралы және бөлінбей қалған көлемдер туралы мәліметтерді www.minplan.gov.kz, www.comtorg.kz, www.trade.gov.kz интернет ресурстарында апта сайын жариялайды.

8. Өтпелі ережелер

29. Сауда қызметін реттеу саласындағы уәкілетті орган:

1) 2013 жылғы 15 қарашаға дейін түсіндірулер беру үшін байланыс деректерін көрсете отырып, www.minplan.gov.kz, www.comtorg.kz, www.trade.gov.kz интернет ресурстарында жаңа өнім берушілер үшін айқындалған тарифтік квоталар көлемдерін көрсете отырып, кедендік баждардың квотаішілік мөлшерлемелері бойынша жаңа сойылған немесе мұздатылған ірі

кара малдың етін (коды КО СЭҚ ТН 0201) және құс етін (коды КО СЭҚ ТН 0207) әкелуге лицензия алудың жаңа өнім берушілер үшін мүмкіндіктері туралы хабарландыру орналастырады:

2) 2013 жылғы 15 қарашадан бастап 31 желтоқсанға дейін жаңа қайта өңдеушілерге құс етін (коды КО СЭҚ ТН 0207) әкелуге лицензиялар беруді өтініштер беру кезектілігі тәртібімен жүзеге асырады:

30. Осы Қағидалардың 25-тармағының бірінші бөлігінің ережесі тарифтік квотаның бөлінген көлемін 2015 жылдан бастап пайдаланбаған қайта өңдеушілерге қолданылады.

Қазақстан Республикасына
еттің кейбір түрлерін әкелуге
арналған тарифтік квоталардың
көлемдерін бөлу қағидаларына
1-қосымша

Қазақстан Республикасының экономикалық қызмет түрлері бойынша өнімдердің жіктеуіші

Коды	Атауы
101314	Еттен, еттік қосымша өнімдерден немесе малдың қанынан жасалған шұжық және ұксас бұйымдар
101315	Еттен жасалған дайын жартылай фабрикаттар мен еттік қосымша өнімдерден басқа, өзге де еттен, еттік қосымша өнімдер немесе мал қандарынан жасалған дайын және консервіленген өнімдер

Қазақстан Республикасына
еттің кейбір түрлерін әкелуге
арналған тарифтік квоталардың
көлемдерін бөлу қағидаларына
2-қосымша

Өтінім

(қайта өңдеушінің толық атауы)

Мыналарды:

_____ тонна көлемінде сиыр етін (коды КО СЭҚ ТН 0202);

_____ тонна көлемінде шошқа етін (коды КО СЭҚ ТН 0203)

импортқа квота бөлуді сұрайды.

Кәсіпорнымызда дайын өнім өндірісінде шикі ет түрлерінің қатынасы мынадай:

Дайын өнімнің атауы	Өндірістің көлемі (жылдар бойынша)	Дайын өнім өндіру кезінде пайдаланылатын сиыр етінің үлесі, %	Дайын өнім өндіру кезінде пайдаланылатын шошқа етінің үлесі, %

Әкелінетін шикізатты мақсатына қарай пайдалануға міндеттенеміз.

Бірінші басшы _____ (Т.А.Ә.)

М.О. (күні)

Қазақстан

Республикасына

еттің

кейбір

түрлерін

әкелуге

арналған

тарифтік

квоталардың

көлемдерін

бөлу

қағидаларына

3-қосымша

Ет өнімдерін етке аудару коэффициенттері

Өнім	Коэффициент
Шұжық өнімдері (орташа коэффициент)	1,37
Пісірілген шұжықтар, жіңішке шұжықтар, сардельдер	1,2
Жартылай ысталған шұжықтар	1,7
Пісіріліп ысталған шұжықтар	2,0
Шикілей ысталған шұжықтар	2,5
Ет консервілері:	
шартты банкілерден қайта есептеу үшін	0,5
салмағынан (тонна) есептеу үшін	1,4
Ет-өсімдік консервілері	0,18